

Չորս կողմը ամայի:

Հորիզոնի դէմ, փոքրիկ բարձունքի վրայ, մի վազոն: Կիսաքանդ, ժանգոտած, գունաթափ, ճանապարհների վրայ լքուած այն վագոններից մէկը, որոնք լքուածի մեքամաղձոտ յիշատակն են արթնացնում:

Քիչ աւելի հեռուն, մի տնակ: Տափակ տանիք, փայտէ սիւներ, ցեխով ծեփուած պատեր: Դրան առջեւ, հայ մի կին, մաշուած, կոճղի պէս ծակծկուած դէմքով՝ մաքուր թըշուառութիւն:

Բարի՛ եկաք:

Սեղանատան մէջ ամերիկեան կոնսերվներ ենք ուտում: Թէյ, սան՛լիչ: Քաղաքավարի, լուսկեաց եւ հանդիսաւոր ժպիտներ: Պատուհանից ներս է մտնում հեռաւոր հորիզոնը եւ իր երկաթէ շղթան բոլորում վզիս շուրջը: Պատերի վրայ, որբերի, անհամա՛ր որբերի լուսանկարները ծարաւ աչքերով մխրձուած են աչքերիս մէջ: Կոնսերվի դզալը ձեռքիս մէջ դողում է եւ ակամայ, ամերիկացիներին նայում եմ թշուառի աչքերով: Բարկութիւնս է գալիս: Ինչո՞ւ, ես, ստիպուած լինեմ... Հորիզոնի այս ծանր շղթան, որբերի ծարա՛ւ աչքերը: Գովում եմ Ուխտմանը, գովում եմ Էդգար Պոն, գովում եմ...

Ամերիկացիները դրամաֆոն ունին՝ նուագում են:

Քամի է:

Ասեղը կրճտում է: Ուրախ մի ճաղ սենեակի մէջ բռնկում է թափուած մագուէթի նրճան: Նաւաստիներ աղմկալից պար են դառնում, ոտքերը դետին դարնում, պտուտ, կանչում: Ընդմիջում են, դաշտը խուլօրէն մայում է եւ ոսկրուտ մատերով պատուհանին դարնում: Արարատը ներս է խուժում, ձիւնոտ ոտքերով: Ճաղը պոթկում է, փչրում պղնձէ իր պնակները, պողպատի շուրջ մլաւում՝ անպատի մերկ մսերը դողում են:

Երէտասարդ վարիչը, անհանդիստ տղերի վրայ, տատանում է աջ ու ձախ: Ինձ մի կողմ է քաշել, պատմում է: Եւրոպայից նոր է եկել: Աչքերի մէջ Մոնպարնասը չարլսթըն է պարում: Նստում ենք բոլոր ծանօթ կաֆէներում: Լոնտոնը՝ չէ՛: Դիկենսը դեռ ման է դալիս փողոցներում՝ կառապանը, մանր վաճառականը, վարի խաւը: Տխուր է: Փարի՛զը,

Փարի՛զը: Աչքով է անում: Բուլվարների լոյսերի մէջ արորում է սիրաւը, Հալի մօտ թրուչունների աղիքները հոսոտում, թոշնած վարդի համ տուող գինիները բաց անում: Ու նոր մի դիսկի հեա, Կոլումբոսը նստում է ճեպընթաց, վազում բոլոր գուարճութիւնների ետեւից: Գերմանիան այլեւս բացուած ոստրէ է, Բերլինը քունը կորցրել է... Գնացքը ճեղքում է դաշտանկարը, անցնում թրթռող մսերի վըրայից, հովահարի նման բաց անում ծոռող ճանապարհները, երկաթների վրայ գլորգալից պար դառնում եւ հսկայ իր լամպարների լոյսերը մխրձում ուսական հրդեհից մնացած մոխիրների մէջ:

— Փակեցէ՛ք, խնդրեմ, դրամաֆոնը:

Պատերի վրայ երախաները մրսում են: Վիրաւորուած տատրակի նայուածքների մէջ դարերը քնել են: Սպառած հանքերում աւազը եղունգներ է փչրում: Անպատը մէջքը արեւին է տուել եւ, երեսը վար, խօսում է անդնդի հեա:

— Փակեցէ՛ք, խնդրեմ, դրամաֆոնը:

* * *

Փոքրիկ մի Ծօրդ տանում է մեզ Որբերի դիւղը:

Վարիչը քում է ինքնաշարժը: Ծկուն է, արագ եւ պինդ դնդերով: Բաց է թողել մեքենան քարացած դաշտի վրայով, եւ անհամար փոսերի ծայրին ցատկոտում ենք: Յարական նախկին պաշտօնեան ոտքը ոտքի վրայ է դըրել, կաշուէ ձեռնոցներ հագել, հանդիսաւոր դէմք առել: Դլխարկը իր տեղը չի կենում՝ անդադար ուղղում է: Տեղից դուրս է ցատկում, պատուհանից բռնում, պատերին կըպչում, բայց աշխատում է դէմքին միշտ հանդիսաւոր կերպարանք տալ: Գոհ է: Լուսկեաց, մեռելի շրթունքները դոցած, անպատի առջեւ հրճուած է, բացականչում, աւելորդ բաներ ասում՝ կոտրած ֆրանսերէնով:

Յուրա մի հով է փչում, բայց քարերի մէջ թառած, ծանր աւազը աչք չի ծակում, հազուադիւտ, չորացած մացառները չեն իսկ տատանում ու, անիւների տակ, հաստ չերտով պտուկած լութիւնը անտարբեր է:

Աւերա՛նք...

Այդ աւերը պողպատէ թոքեր ունի: Մինչդեռ մեքենան մորթած հաւի նման թպոտում